

朱太復文集

朱太復文集卷之二十九

五湖朱長春太復著

墓誌

明貢士郭西湯先生墓誌

湯氏之先出金壇在宋有叅知政事敏肅公曰鵬舉者寔顯任子駿以太常博事遷武康令愛吳興山川治別業雪水間子孫因家焉四世而徙於烏程西門遂為城西湯家曰瑞瑞生昱隱者也昱五子長曰盤當

高皇帝時以春秋舉於鄉

文帝時為監察御史著直聲 朝廷憚之湯氏遂為
名族矣次曰文文生俊年八十餘有清行成化間以
高年賜爵四子次曰讓讓生鉞以詩貢入南太學授
雲南大姚令生珎珎生先生湯自御史明經起家龔
功名已五世矣御史五昆弟子孫散處代有明德代
為儒多仕然出不過歲籍官為學博士或令如大姚
公竄賢著矣而制科闕焉先生生頴敏五歲知誦書
十歲亡母張毀而習禮如成人大姚公自授以毛詩

而奇之嘗曰吾家來吳興二百餘年非無賢者而輒
苦一第敏肅之業衰矣俗言為儒三世必貴吾家丁
世而老一經此孫夙惠而風氣奇過人其世當興乎
小子可不勉焉命名曰良材字國器十七補邑弟子
十九試高等廩於官受學於一庵唐先生之門與張
御史大夫永明董宗伯份沈侍郎應龍錢武部鎮願
封公震宋孝廉鑒沈封公塾皆其知名高足也而先
生嘗為都講諸公往往推轂下之有度無所不容而
氣倜儻好任義為豪然服禮折節事人竣竣也家貧

不喜治生而居常晏如身才中人體貌軒舉習容止折旋從容亡貴賤見者肅然無不下也好譚論善計事士多附博學嫻于文辭試輒先諸生自同學張董諸公先後黜家大半廢美官當路揚名聲而先生譽益貴籍甚人以旦夕公輔屬公郡中士俛首自以弗如自學使者太守以下識其名嚴先生禮以不次而先生名傾一郡矣縣令至者皆為上賓讌飲及於私署有政事輒與談決所白即不當指曲聽之已輒無所不中士未知名後進輒賴先生游其聲益附之而

大豪有力富家喜俠者往往詘體請交門過車日輒
十數乘而為名者輒稱湯公愛我借以行不可勝數
也太湖太學生朱震伯吳富人第一諸公務積兢錐
刃而朱獨雍容為文養交好名獨屈事先生歲過其
家自歛袂候門子供几案擎蹠行盤匜妻妾主亭饌
每上飲自膝席佐醉唯恐不當門客數十人莫敢與
鈞禮而先生素伉亦感其意為傾腹心兩人相結甚
驩用此朱氏文富義俠之名傾吳越吳越中貴人莫
弗稱之而以匹夫權行州郡斷於里遊遨翩翩都雅

而息曰益焉由先生能飾偽術化其陰伎而張于公
府士大夫間凡誦朱公皆知歸先生而先生雖游豪
富家乎名願益顯相倚為重矣所至官司益繇敬之
而先生以忼慨經理時事時佐郡縣之不及故吳田
用官民兩則科官極重籍亂加於貧民民至白手抱
產獻勢家不信先生為調停白縣署縣湯公善先生
上其議得疏

奏報可自是田則一而民弛擔先生之力也至今人
稱說之曰使得一命効官下展先生之庸究其奇所

就豈一縣賦哉先生數為郡縣禮教子弟湯公其主也而太守楊公子以進士為郎過吳謁先生以太守故所禮坐立不取齊焉其為重貴如此然八試省不第次當貢以後公者年高讓二人又越四年始入為太學生老矣復就試京兆不利故同學諸貴人勸其謁選不聽奮曰安有湯生齷齪為丞尉刀筆吏分斗食乎諸公何渠能以老輕辱我拂衣歸歸歲餘病卒卒之曰郡中知不知聞者為流涕道其行慕嚮不置也先生持大節果行拂俗然恥獨為善內行廉財不

苟入入輒分給人尤薦於宗宗人有過曲諭之不改
乃哭於祠集宗長深自切責以無德居家室不見信
其悞犯者閉門謹避之曰弗忍爭也有緩急則晨夜
相赴宗人化焉方父病兄弟四人命公主分辭曰身
蒙教為儒幸不至餓家故無多貲弟幼渠胡為生乎
卒三分與弟書約以戒後及死而治喪買宅地營塋
之並無關焉故人朱獨子騶無藉執赴官經先生家
先生惻然進故人而謝之動以義其子大悔痛哭請
改責遺之尋卒自立善其家有孫其誘導人被于鄉

多如此然先生生喜交延結傾附多富貴人而死後
數年其子至不能食宗人徧受其德教其後讀書為
諸生游引之而既死反噬虐其孤遂至破家所居城
西舍市于貴人而湯氏散矣伯寧獄貧死仲流居季
為倩壻苦行嗜學得世其傳又數不利於試貧無家
故先生歿三十餘年杳未舉季賢有父風甘節不肯
往見父同執貴故人故人亦少收之獨與家司訓公
善予交為兄弟奉司訓公命助主其喪乃蒸焉先生
晚更字子達人號郭西先生

外史氏曰朱公余從大父也自七八歲時從侍湯公甚有口濶達多智略灑然能記之既與季游孰其義問翁翁曰湯公長十年而弟畜我其人經術豪長者存漢當匡衡袁絲之間器獨過焉夫遺行論文士多失公與吾翁先後知名能文章又不顯然則曷據乎湯公同輩士都為大官而御史大夫獨賢功名假公出業當過之國家如欲收士用舍漢微辟何由哉何由哉

銘曰弓旌不出槁首貢澤誰善人國風謠無陳遺遠

以名冒表人倫天而無耳威毒良士誣其身寔其子
三十餘年面無土我祝公德我寔公宅我誌公石曰
眎土煌煌曰迎岡旁旁曰就水苾芳曰無金玉之藏
千秋萬祀嚴士之堂

先生生於正德丙寅八月十七日歿於嘉靖壬戌
八月初二日享年五十有七配鄔氏同邑庠生鄔
旻女生正德丁卯二月二十六日歿於萬曆己卯
十二月二十六日享年七十有三子三長曰章娶
四川按察司知事吳秀女次愬成娶湖廣

倉

大使顧大經女次日躋郡庠生娶同邑宋雲龍女
女三長適邑庠生陸應期次適歸安張守重次適
安吉庠生陳弘勲孫三長有光娶同邑王女思
成出次發祥次履祥曰躋出俱未聘孫女四長適
柴有年同邑柴鳴贊之孫曰章出次許聘同邑庠
生潘允浹子潘餘未字俱曰躋出今萬曆二
十三年十二月初四日塋於萬化山祖塋之傍
行狀

亞中大夫湖廣布政使司右叅政瀛海馬先

生行狀

馬先生為長春舉主昔令舒事先生於江淮間先生不以吏畜之其舉長春也蓋調虞當行矣諸部吏有投間憑權貴人游揚齟齬而奪其處先生奮曰不可今當吾身而失名士尋長春以喪歸廬六年復補陽信訪先生于里為道所為知長春者命出四子相拜執弟子時先生以替楚運入河經其家其明年又以歲運行至下相死矣夫士也無有高門之席游交之聲旦評之素一朝起素門初服而先生抱獨知之契

冒目名士託子相結詎奚傾蓋適願之遇乎所望長
春未有分寸見稱効而生死絕矣生不布施死何含
珠何知仁義已嚮其利長春寧能嘿然矣乎會其長
公子紹英以先生狀見屬仕淹在外事先生淺所知
先生部淮詳耳它建樹節概度公子而或未得盡須
入朝周咨為先生發揮長志于世尋慶海病殆死
棄官歸休卧半歲未起而公子三千里走使相告電
有日矣迫不得謝力疾為第次公子所述稍稍增記
其逸想摹先生所為八論著之不該不核世如有知

者吾負先生矣

先生諱允登字朴先別號瀛滸永樂初始祖十六與其子大成自晉之陵川徙家東光四世而生封舍人堯輔堯輔生給事公汝松汝松三子其季為叅知先生也東光之馬顯而陵川遠莫詳其次矣自封舍人以前世為農而務陰行給事始以儒顯成進士自中書舍人歷工科都給事中凡為諫官七年論列持大體則以忤權罷不復仕然其官廉居里約所居故白扉至不容車河間士大夫號為清門先生初生曾給

事公以冊藩使過家夜夢日有光射腹旦而曲孺人
舉先生二歲能言即日能誦書五歲曲孺人卒哭至
三日不食已而事後母徐甚孝究謹能得其歡徐畜
如生比長不逮答罵里稱孝童徐後即以先生貴封
太孺人者也先生年十三補弟子弱冠知名為高等
時給事公家居久意落如也垂老親交踈門戶就衰
日夜望先生繼其家亡何給事公卒家難起業益彫
伯仲不能治生幾空三年而先生第進士先生脩恪
類父而警惠意豁然喜任義為氣而外矜節廩廩也

初令齊河齊之民匿知而鄙見先生少率心狎易之
邑故獄有賣漿老夫婦以積貲為人殺之荒野官求
盜不得而坐其主同居先生至而廉得真殺人者市
中時來沽而惡少也訊決立服易獄而反其主邑譌
為神由此莫敢枝梧治務得孳然不苛詭輔以禮取
大約平耳停減輿馬厨傳過客供辦錢歲五六千緡
自是邑在孔道而不罷半歲齊河大治調維未行以
徐太孺人喪歸起補泌陽再移安陽泌陽不在山谷
地隘生理鮮民流冗賦侵先生為清版均更買牛種

以招逋戶萬家玄靜簡務以息之民用集和安陽附
郭而中州之衝達也覈戶口亭輸納而賦始畫齊羅
里之見率供億郵道雜出悉印縣官拮据羸縮手隨
而辦民始息肩焉舊有牧馬種戶歲費數千更議以
見錢平一縣共輸上太僕而除牧令創報可則中
家以上蓄息矣潼河溢流漂以居死者千百人單車
馳錄視之數民悉收流屍聚於區斂埋之表曰溺塚
數倉粟分賑無居者召還其里先給而後報民忘其
災先生為治精核而敏於才然禁立解諳習而健果

於行所聞報上司不能格撓之善弛張相時與俗與
上下所治齊河者泌陽用其五而便間安陽三加之
而攻苦至戴星然皆治其地處異也居泌陽一歲安
陽三歲半總前後為令五年部使者疏稱賢數十上
召為監察御史居朝以伉達敢行有氣聞諸權幸
貴人歛避之賢者爭相與結交廣聲益起初出行遠
親視兵玄菟海上効去將吏穢不武者若闌出通夷
與縱虜冒首功次第案法之塞上肅然兵大振會東
建夷數萬入寇大將軍寧遠伯李成梁戰却之斬其

巨首速把奕摸書聞

天子為獻

廟行賞頒布諸夷夷速徙部遠為不被兵數年先生
實與功然後保境息民易置股削長吏條教率俗以
實適戶興文學獎異等以化羈縻海朔之風比於中
原

天子再命所司紀其勞旋役竣再出視中都江淮間
淮楊當天下午運之喉道淮陰以北河為不仁兩崖
蕭然無草河夫隄徭隸竹以數縣供半天下而輓役

黃頭卽館人候吏三叅令鞭箠捕捉販手募肩者應卒不給白馬以南近

泗陵半竟爲巨浸民維舟而居廣陵市物輳甲天下江表大都會也民無業而富饒矜奢相高吏乘其資以用權至不免曲法爲市俛仰俗無檢豪猾主事

中都僻而地埆其民憚鄙也吏寬務而便於陰瀘江南霍中多息業之家而俗耕織人足急於公號爲上郡然而兩郡之間多陰賊大豪上把吏短長而下刀俎民專以風聲蜚中人應於鼓命曰窩家吏民嚴事

矣先生至部廉其狀歎曰事在有司良不肖乎假齊
得賢長令使之蘇息其微除滌詭鋤豪猾破解其黨
謹身率以廉平更始生息何至蹶然壞盡到此乎事
可旦夕變也與養恩而穰長者名如負 朝廷何所
行郡 奏罷墨汚聞無為丞令以上十餘人案逮踪
跡驗問數輩所法老宿吏胥主文左右爪牙賊藪至
臣萬囚首種種有一縣為空官吏縛足而立杜里供
之倚塞無名之征蠲不急之徭除叫呼之卒平權式
入頒為亭輸格所令皆朝下而午易其處武健吏莫

敢梗誰何縣有以私權納入者方出俄頃有人持之
去自是聞相戒曰亡几不見馬公日視我其所案隱
覆太守監司至莫得知觀察以下望如神明焉然重
禁偵訪主家故豪窩之黨坐法殆盡餘奔竄伏匿數
千里而先生自以機捷善因人任能致力畢誠又因
事推諉巧鉤而得其不意他人不識也由是四輔望
風而靡江淮晏然民息矣習律無害而勤多力日批
版數百手不休於几平反老獄數百主上司寇不能
奪郡縣屬上記爰書惴惴恐不當今御史大夫李公

往以中丞撫淮每讀先生獄辭相與風議歎曰馬君
少季至識練如此乎當是時淮泗大水靡社湖波怒
苦運先生會中丞合疏開月河築塘捍湖於外隄延
五十里舟卧而過也河成

天子錫之白金復詔紀之已還朝留主臺務居
中一臺倚決辦為重數上言論事雖直侵然知馬御
史名當塗多中陰護之多得俞可所彈劾大臣不稱
職與小侯外戚怙寵豪長安中凡去一宗伯一中丞
又請限戚里恩澤無厭禁功臣世家作戚京師肅

然道清而自丞相與公卿貴人多陰屬焉御史壯其
風節託請為交歡曰益益矣先生外嚴而中夷內行
白而與人盡竭其家所赴緩急無不應素履傾家居
平食不重豆而對賓客則進美酒食擊筑彈棋留連
卒至夜務人人得意而後已性闇爽不能從吏人所
交寮友履綦不當契輒面繩之至有要人私者則盛
暴其長推以不如然不令寮友知久之或知愧詣公
而公孫謝不自居其獎後進推轂夷等齒牙若不及
士未成名為游談居間一朝徧嚴事長老賢者若將

傾身焉其好士下人樂進善天性也居歲餘先生意氣傾朝廷士依公雲起益衆益負忼慨敢任自意善論說中事數言必解便便者不能奪每朝廷集大議公卿已論定則曰須馬御史來至則決時時參其秘諸言事當可陰贊成之而不可能消於未然有少年疏牘已具遺公暮至取飲大酣一夕旦遂匿不上當是時會

山陵之議起閣臺交鬪且不測先生持以兩平所為調停釋解力居多先生方隅為中立不肖附人然好

為豪恥細謹人多附為氣益甚遇事敢擔不引小嫌
公卿以下俱屈節下之先生不謝也稍下急自峻不
能尾圓一意結引賢者而所不可至羞與揖其矜詡
刻厲絕迹榜為名先生亦不能下也所為人惟恐人
知而所諍裁至或觸迂不忌故其所好無不推揚先
生日夜望為九卿留 朝廷所不者六陰畜倡異議
為招權謀排而去矣凡居臺二歲丙戌丁亥兩主外
內二計偏者忌之所去留解脫又多為護持長厚而
頗專任同事俞不能平語相侵至面執爭詬于御史

大夫前於是 朝廷而出之而先生以山東按察副
使備兵海右行矣在青州一季盜不入竟以能遷登
叅藩督糧儲當歲荒建議請蠲半折之百姓爭輸凡
三部運渡淮歲辛卯行至江都病至邳病甚漕使者
賈公勸趣至家先生以入洪舟未盡唯謝而已日自
力疾督牽輓應賓客不休一夕危坐卒時年四十有
四漕使者上其勞請加 卹 旨下格不行 中朝
公卿知者與四方之士交遊皆為泣歎曰以馬公之
氣能稱才賢盡其年取卿相如掌中既已遭排妒令

挫折中道死天固不盡才抑為義之難耶然其竟以
勤死著念足白其氣畜積矣先生仕二十年於給事
公故業無所益而伯仲稍以給設墓田以主宗人不
任祭者建義倉秋歛春散三黨之乏者取贍焉所故
與交其家婚嫁喪葬以先生為主辦漸周分以逮鄰
鄣老人寡婦孤兒子至於終祿入無私故自同居若
九族以至友讖鄉人無不祝望先生為官者其死爭
矢其門送至千車傍縣五百里畢至先生五丈夫子
皆立半為名諸生而長公倜儻竄能世其家

朱長春曰人言馬先生有氣嚴法以予從事行部徧
召諸長令獨語人人盡長以予一縣請開釋守者盜
戍囚七他踵行之號為寬大使者有是乎人固不可
知先生所延結天下豪雋士衆矣盤錯利器外試艱
難誠得用其尾功業不可量而如是道夭死惜哉近
世文巧多首鼠難任至無所方物以觀先生風采意
氣遠矣蓋古之遺俠雄士哉

徐母蔡太孺人行狀

天道恢恢豈不信哉仁者食報而有積苦樹德不享

此豈人過哉予以蒙家難既概中不能平而同歲生
徐養浩復以初第查母其居平事略相類因以徵狀
於予為稽首揮泣而叙之

太孺人家德清廷尉蔡玉泉先生長女也廷尉起御
史有聲既以風節持官已用和治其家太孺人生婉
惠稍長有致度廷尉以為似已喜常自口授以女經
小學諸篇輒津津好誦義廷尉器之嘗曰此女當以
付名家縣中諸豪與旁郡邑貴重長者爭慕結廷尉
公求入采者數十百家廷尉公不應既後則以許徐

仰溪先生徐故縣豪累世矣當是時家中落廷尉公
獨姻之一縣皆以為惟尋公卒孺人年十四而以毀
著廷尉公所手辦粧橐未竣遺可千金孺人不問從
諸伯仲管其分伯家失火都廢孺人淡如也已歸徐
益厲行服古賢婦操上事愉愉如傍事閭閻如下視
煦如其于夫子諧如侃如會業半廢家翁篤意課子
歲所延師交納名豪士往來費輒萬緡不支往往叩
給孺人粧翁文弱嘗為人侵遠獄累十年翁故不
厭塾而孺人與先生實數侍從容居間為好言以平

又出私貲應公家之急有竭無算先是翁大父起素
封巨萬所營構居室土木之盛甲郡至是季先撤其
前楹翁亦議撤堂獨以孺人貲得寢至今存焉及相
先生結客明經為名弟子負三十年士議者以方維
佩之助而於閨門宗黨先後一務以和調稍稍弭戾
者之口蓋孺人至而徐門益敦里以是狎翁父子之
量而頌孺人忘貴倨以成也孺人初舉二子弗育年
三十即為先生買良妾親與服食同甘苦已復自舉
二男子且令然以視他產愛數相編先生屢售不中

然大度不事家人業業益消孺人親攻苦仰手作調
食每閒居會諸子皆因性為教導考所業進及多名
遊則喜不則怒為損飯曰公家積厚數世今不造乃
公且老數奇若等不奮人將牧吾廬於是諸子人爭
厲當是時伯以敏仲以醇著聞縣中會先生已貢入
太學滿歲當除孺人遂勸之仕得通州倅倅雖即官
品第六然故儀視諸長令降等先生非好也每同輩
擎跽謁上官娒娒呼稱甚卑先生獨義不辱時時憤
發欲謝去孺人嘗解曰故事也無庸且上所以輕小

官謂暮窮希得錢耳誠刻廉示以無染烏有上司以
起拜微文去一吏者仕無小行志耳既而先生奉督
院委散餼掘港却去軍幕例錢又署州事以用奉金
抵試士計偕之費遂以清名冠一郡自是上司為改
容官起矣會伯子之曾暴卒聞之曾年三十名方盛
孺人與先生倚重一旦失望執掌大慟於是任未期
遂決意解職南始先生貧以除損貲宦一年廉無入
歸生業益薄先生以自負失志居廷吁吁不平鄉里
用竊笑為拙孺人獨以度言時為寬先是伯子未卒

孺人嘗道廷尉公之言曰徐著姓也自其先用本富起家積施好行義四世矣未有鉅顯而中衰吾聞大德之後廢而復起其在今乎今翁老顛在子輩伯也英捷然銳好為氣吾慮其早秀仲稍遲顧度寬有大致意吾家仲謀乎時時援引督責伯出則以陰誡其僮至是果如孺人言然先生用此目仲為解而里中聞者亦往往物色陰屬仲矣孺人雖生官家子而尸饔自奉甚嗇着浣裙食脫粟飯然閭里中有急則解衣倒橐專以救人之難或至詒負常折棄更益施性

任義樂予其家風也初州倅公家居數歲落魄人有
咎孺人好施濫孺人曰姑樹德耳及仲已第人乃服
其報仲既舉上公車三三黜四上而孺人病於家呼
仲婦前曰吾故知仲遲吾不待矣張徐者必仲仲即
第還而為道吾言吾家五世善而仕子將光昭先人
之令德是務吾昔與翁倅州耳義不辱節不沒一錢
以汙世爾小子幸徼福以

天子命士備負可不戒乎女相夫子如無類敗官者
吾魂將不食女肉又仰而目季曰女他日如之遂卒

未及歛數十里內男婦無親與不親俱奔會臨失聲
就位曰此故嘗為孺人任德者服也孺人卒未兩月
而仲舉進士報至云孺人生正德丁卯七月二十一
日卒于萬曆丙戌正月五日享年八十男子子三長
之曾邑廩生配仁和丁氏蚤卒次之孟即養浩中萬
曆丙戌會試配崇德縣鄭氏皆孺人出季之原邑廩
生配仁和邵氏側室沈氏出女子子一孺人出適仁
和楊守道男孫三一永灝配崇德縣呂氏一永潮配
崇德縣勞氏俱之曾子一永治聘歸安縣沈氏之孟

子女孫三一之孟女一之原女尚幼今萬曆十六年
某月日養浩與李稟于仙溪先生治葬于本里細洋
之原

朱太復文集卷之二十九終

朱太復文集卷之三十

五湖朱長春太復著

對

魯王三瑞對

今天下宗國獨魯最賢客臣 奉

天子命鎮東方過魯上章謁王王設六賓引見之迎
於阼拜於楹坐於堂燕於廟體敬蒸黻三縣倡四牡
客臣謝不敏起稽首三因誦言曰魯天下之望國也
王天下之賢王也臣未入竟冠帶軺封流水之客無

不譽王既入國牧伯大夫獻老鄉賓章縫詩禮之後
無不道王市井田間阿翁吾子無不歌王今吾見王
而知興人之口猶窺管也名者實之賓賓渠悉主乎
目擊道存臣不容聲抑臣見恠焉臣入臯門仰望殿
極溶溶有色盤於闌楯照在厯之目見佳光焉見浮
陽焉見若蒸氣焉是天之休明王其有陰行乎臣鎮
聞之王起謝曰孤寡不穀保在東底長於深宮政不
出於皇無良傳友不聞大訓魯亦既中葉矣惟乾朝
夕集命之不虞何以為子大夫言客固請王曰吾飭

厨脩幣以待國門四方之士惟恐其不戾也曰美哉
其有文吾豐蠲粢盛以時被釁而享先生惟恐其不
嘏也曰美哉其有信吾節醜式出繩束僕寺遺秉恤
民歲餘吾蕝藏朽助

天子活其飢惟恐不該也曰美哉其有仁丁季之哀
五廟圯朝宮薦草中府空瞿然愬世紀之頽也諸侯
之鄙夷也

天王鉅公謂藐東侯子不克守府也息幣數率用以
考室續閔宮之詩曰庶復宇乎惟恐其不繕也曰美

哉其有孝夫孝德之基也行之首也天地之紀也神
人之和也統矣盡矣善無加矣夫下士惠民曰格明
尊鬼神承祖曰格幽格明者有光格幽者有祥幽明協
氣合和通天故曰謙遜靜懿天表之應應之以福騶
淫靡麗天表之應應之以異匹夫也匹婦也夜行微
善天為之假奈何乎大王臣入而見其氣今聞其德
以臣度之大王之國清宮之中必有瑞乎王曰瑞何
如曰臣聞天有庶徵人用五福瑞曰祥祥者福之先
見者也凡歷數人據上下象形景光聲氣飛動跽臚

之倫甲拆萌芽之屬其殊常倬態洞目駭心則有應
焉休王者為祥其凶恠者為咎王曰瑞有種有等
有計曰有黃抱冠珥國皇老人帝極主之調風珠露
歸耶若煙歲功主之山川之靈晏皇輿主之宛宛蓁
般般儀振振歸和昭夏主之五行之幻各以其紀占
之天子視日昃視月國視其星野天子無不占王侯
卿士私其家故曰天開縣物地長見象城郭門閭宮
廟第五穀草木觀其所屬上者占鉅下者占細草
木土如臣附君也封建屏翰枝幹之象也茅土承

六其坤道也大王仁柔而孝應木德也以臣按占考
之大王之端意在殿序之間土麗之象乎草木枝華
之象乎王乃笑曰唯唯占固如是哉乃起引客登殿
周洪陽之墟俯而視其礎有物晶皇如衣中裳附棟
若菌光若威喜王曰何象也曰美哉是名石芝仁草
也仙藥也王慈仁則芝草生食之可延年天其表王
壽哉方士隱人采真入空山經樊棘蛇狢虎豹之區
齋心練形旦夜求之常為鬼神所護躡而不得一日
自見於王宮王其有神哉王遜席謝又引下階歷文

鋪傷至隙地指其旆旆者視客曰茲物也不種而

一今雙秀謂其產於宮也而惡之寧為祥乎曰美哉
是名嘉穀穀善也祿也福也有三物焉見之者申福
不遐祚祿有加必於善之家王又遜謝乃入便殿改
席享客命壽無筭其傍有數松脩參天廣庇於殿其
枝獨上叢叢翠結交叉團團焉望如雀巢鳥飛過
而翔迴客視不運王曰此何異焉客曰美哉是為松
巢松古人比德焉古人誦福焉百木之長而守宮闕
也亭亭著節也叢叢茂文也巢喻室也交結綢繆固

也鳥飛鳴象王譽也王遷蹙然正容曰不穀其敢當
哉夫見異脩德謂之祥見休墮德謂之殃夫有瑞徵
者必有瑞行不穀小國勉脩內行耳已無所召瑞雖
有聖人明天子不敢以瑞奉其心曰福不可常下國
何敢承瑞三殆天厭孤而驕吾志乎而以戒乎則廩
廩矣客曰不又善哉家政不出閭國政不出竟王自
小內行乎天生人而命之中惟其常德所以定命也
寧必倬異文信仁孝備而勉旃古聖賢由此途出且
王有德不居命曰虛見瑞不侈命曰恬聞誦益惕命

曰小心虛恬保名小心事

主三荷如彼三德如此微王瑞也抑且瑞國夫芝
象子孫穀象廟食松象本支觀木者視其蔭觀室者
視其藩王之賢魯之昌是非

天王之福乎臣將籍以報

主上曰魯天下之望國也王天下之賢王也得三瑞
不敢承願託臣以祝

天子萬壽王其食餘焉王乃出席北向再拜又西拜
客臣曰天借子大夫以封殖吾魯世世奉

天子以無壞則子大夫之賜寡人有心在板之七章
懷德惟寧宗子惟城無俾城壞無獨斯畏寡人識之
哉

河上翁對

黃河二十年三決而三治蓋御史大夫潘公亦三罷
三趣焉客北遊經河興劉子之思進河上翁而問之
曰神哉大夫之功而數乎哉有道耶曰然野人也不
知道吾識其數彼於水習也有合也若其性也吾見
其初捐捐然負土若慶下薪若漂排流若爭與河不

相然已而植欲堅矣土就築矣水淫淫趨矣終而臯
如也廓如也濤如也歸道以平就公之繩驅若有神
合於玄衣之檢夫天下之水莫盛於黃河也而海為
末其精也天其質也地其流行也神百川合之而不
見其盈九土割之而不見其涸出夷入華逆曲交錯
奔經幾萬里赴於海不見其怯靜則如砥動則如風
喜則潤物怒則決土方其決也鉅野不能容泰山不
能塞五丁不能移而況人乎雖然其有性也譬諸人
身水則為血雖有虧盈胤絡流於百骸之間盛不病

病者其有乎雍之閼不為通人不為理則內有蘊蒸
結滿之病外有柳疽潰腐之毒良醫者不能去血去
其害血者而已今夫大夫之治水也其行也未嘗治
之下工移之中工塞之上工隄之移稼穡也塞遏也
隄爭也遏難為始爭難為終法令水怒而抗人抗則
敗今吾見大夫之治河者三而水未嘗不從下其下
上其上汰其澌滓宣其脉節雖滔天之洪洪順人而
若侵而况其纖纖者乎夫靜勝躁順勝逆人勝天非
天可勝乎天故待於人吾觀大夫每至行水則安然

內神而躊躇相陵隄所激湍察高渚求水之所趣沿
勢委形導口虛腹人力隨其性而放之既放則時其
宣鄣而保之恬夷穆冲不與水相攻故黃河至逆躁
矣而大夫勝之夫河雖神哉天之所生品以利人非
害之也有閔焉而天不能通假人之通為通故大夫
臨河而河干四千里之口稱曰天人此其殆有道乎
客曰然然大夫老矣而言者於河甚弘於大夫甚勤
亡竭神而累尊生乎曰異哉客謂壽者必棲間枯寧
山之中而蚩蚩者乎則何軸之堅而輹之敝乎客不

見水生於西海入於東海混混萬古如茲非其流之
勤乎鬱而不行則水臭濁而不清且夫有陰行於民
者天必胙之語曰千夫所指所誦可知也昔者堯舜
禹益君臣憂勞荒度平水而食民身享百餘歲之壽
子孫保祿積十百世近者平江公庸著於河躬列三
等之封帶礪延賞至今今大夫之烈上比則餘專近
比則餘久而賞未稱功德乃浮位又數為流口交構
廢起僕僕也天意者積之以弘其報乎夫河三決矣
而此役在讒免之後

天子念其功起公復爵而河安河故為公若大風為
周公微耳夫水莫盛於河國運莫重於河公存河
之福也既曰天不能通假善通者為通天固保之福
尤未艾客又不聞道乎理水者可以理生客曰善大
夫吾鄉世父行也春秋七十矣

天子念河役之重以几杖留董河事至勤愚不知理
生過恐大夫之勞神今翁之言有道前徵之人後徵
之天吾將席子之言前見大夫而壽之曰河上翁之
遺

說

次慙

天下三大命萬物命於天子命於父母臣命於君天之於人也尸生而無竅父母代焉尸祿而無權君代焉故稱君曰天子父母曰天親三命一也天之臨人貧富脩短惟命之正不敢恨父之令子東西南北惟命之從不敢恨不順天謂之災人不順親謂之逆子不順君不為之恃臣乎故曰不擇地而安之不擇事而安之如其不可奈何而安之若命德之至也斗魁

既田土膏既霑雨水既降草木之到生者扶然有焉
自天有與有悴有秀有實有鑄有蘄何芸芸之差差
乎是惟命焉良金能自保質不能自命治美玉能自
保光不能自命器委之命而成然行小變而不失吾
常是曰居易居易故無不可居無不可居故不憂不
憂故無所排以命為常以居為適以心為尸以地為
賓地樂亦樂地苦亦苦猶曰人哭而哭慙在居也非
居之者也居之者有命故受之以慙居有義命有性
命義命不可拂性命不可決慙之不從將重傷重傷

無壽類故次之以憂生憂比於不怙不怙不振不振
則溺去溺莫若古舊林耶懷壤耶陳迹耶先王之遺
風穆焉潔焉使人欣欣樂焉忽忽悲焉目寓心游浩
引首而遐思茲地也左傳於海右傳於河南接魯北
接燕大國之決風太伯之餘雒十二之形勢五家之
技兵七十先生之口談六家之經術固千載之一際
也今安在哉歷之可以觀可以企可以吊可以思思
除溺除溺忘憂故次之以歷思思古者不若挽之以
今土形是也人形是也奚曩龐而今澆曩之富而今

空哉牧無道與政不均與箕歛重與高明下侵與令
奉

天子三尺之綬目民瘼苦姑以周廩周容蒙成養譽
知其調停也而不敢任何面食此九百既以任而有
不任者非吾罪也越鷄不伏鵠螳螂不捕蛇力有所
限命有所制馬能駕而走中衢而折紉御之事也非
馬也馬善走者不數任重駕者不數前車既逆後服
不進已乎已乎吾歌大東之詩哀而涕焉故次之以
哀憐人非事

君之道也欲告

君而不可也 君問以高萬里以速小臣以卑居無
以報

君退不忍以懟

君進不敢以干

君

君德明聖時事多艱盈庭無咎雖鞭之長不及馬腹
枕櫬之美不可以任棟大臣之事也小臣憂之矣不
言不甘泄泄言則宣驕不切不敢昧心切則刺時知

者以為狂也不知者以為為望也雖然里有丈夫久
行者其妻談笑之其妻泣之隣子聞之以其妻為溺
思溺則溺矣不猶差於笑乎故次之以望 君門其
言微焉委焉淺以深焉反焉覆焉申以重焉志多憂
焉神不可堪吾何以解之又次之以廣志神仙之說
方術之家恠迂眇之譚養生者聞而登虛躡雲空
八表而欣庶几齊有泰山渤海者方輿之大觀靈仙
之宅秦漢以來侈心靈氣望之而魂欲飛吾其寄此
乎是曰廣志志無實也廣難據也游方之內者難以

道方之外聞養生以却病矣未聞仙而飛也弭轡回
心瞻憂吾居士候既異物性亦殊行見枳棘惡鬱不
舒恐人一旦而枳心也故次之以枳歎水地曰水者
美惡賢不肖愚俊之所產也齊之水道躁而復其民
貪麤而好勇燕之水萃下而弱沈滯而襍其民愚嚚
好貞輕疾易死今此燕齊錯竟也九河已湮無所流
惡土泉汁鹵砂黑臭腐飲者心閉而支腫聞曰烈士
盜泉不飲貪泉不飲得亡心易之虞乎且夫風者天
之移氣也觸水則波觸木則披觸雲則流時陰時晏

時煦煦時凝凝時雄時雌喜則養物怒則殺物上乘
天下出地中轉八方原風如席山風如輪草木之風
如煙澤風如霧海風如濤如雷如曳長雲如飄冰雪
內經夫風者百病之長也中則為厲厲不祥氣也南
方曰日北方曰月日陽月陰各便其性移則為害黃
魚南海而甘北海而臭二魚者惡知移氣哉故歎枳
而慮移慮移思本是次之以懷江南人窮反本疾病
思鄉情也思鄉者適所自生追貧悔難振衣回睨薄
然尊生將無償世之寄焉於是反覆猶豫占諏計長

終之極命託之天問收情於理夫今若大若小若樂
若憂若疾若遲若應若不應審其大小故魴魚不可
以登天審其憂樂故犬卧食而牛挽犁審其遲疾故
秋麥秀而穀始芽審其應不應故襁白犢而父子盲
也若此者吾得憂乎得不憂乎身出於父母奉於君
聽於天吾無有焉守正命而俟塊然而止心泊然而
王神惘然而寧居或問曰然盍不反騷而命乎昔宋
有雋入越其男子被髮而浴大咲徒跣而趨之少焉
國君之使至則章甫而出譚子以為其咲者真也等

乎性乎習乎其以越乎

射干草說

里有朱生以善文辭自喜存稚也顧來携所獨造數十餘首謁予請刻自標其草曰射干予謝無淫書雅名不足借以貴三都予非知文也請即子言射干矣子豈蘭陵令立高之說耶曰然曰美哉立者非所立者也立固有托托以無量夫有千仞之山則有千仞之木俄而移萬仞之山則千不足也又俄而移太華之臬又俄而移玄圃西王之都撐天之山則石衣藤

蕪被罍而生天下無高奚寧四寸哉記曰不臨深以
為高不加少以為多木故言木耳江漢雲巖之田木
曰章生七率而始別立枝上於天匠石遠望而歎斬
為王宮之楹其質美其成難其出也重木無類此乎
種禾之莖不盈尺生於渚其熟也食人而活命曰嘉
種此又不在立者也客曰然予以夫言有枝葉也為
有出也夫山高而木出焉此然為託耳予曰不俞美
哉子休曰言隱於榮華亡其本實之慮乎射干四寸
之木出在山有根有芽有幹有條已榮華發焉如是

華不為病言故難此耳無獨言難聽亦獨難物固多
冒冒使人罔射干一名焉經以為草荀令以為木子
虛以為獸也言一而聽百此何能家置喙君取自信
耳

文

導生符

郎官李子升玄奉使南當行所善賓客數十人祖於
郊備爵既畢李子起膝席辭曰主臣具官之此行也
且假還省非以家宿命抑以賊將父間塞於役不皇

之口家大人稱老矣夫人少而祁名壯而祁功老而祁壽谷神過歷其說向暮所忻聞也奉符祝觴延百率人子頤之夫百英出於土養於土人生於道養於道彊陽之物命曰馳覽夫方者丹家制尸盜氣求不化又與道爭也吾頤聞得道之言諸大夫旅贈一馬於是李子介張偁曰吾里人知若翁容以春神以天杜德如澄叢也流沛心芒乎周於物際勤應而莫殫二十而僞三十而力田五十而稱封君悵乎其服初茹苦若飴不以其富貴為人汰其年運而神守之於

道有人焉名為強志馬子長平曰然是其於易天行
健君子以自強不息火欲其常燬水欲其常逝樸之
過之故有塞滅而道盡夫曰重傷之火寧從之乎呂
子伯繩曰不然其於黃庭棄捐搖俗專子精繫子長
流心安寧閒暇無事脩太平夫治身事天莫若齋創
之口無若其鐔壽也誰為一尺之樨而萬世不竭乎
陳子公衡曰嘻吾知之其在長桑曰虛其室白自生
定其心道自至輟有車之用而無其運其起也止也
非為輻也馬則走而走馬為馬乎故聞吉祥止止宇

泰之者哉乎天光樂子之初曰禽制哉難乎吾妄言
其崖其于文子曰以事生事以事止事譬如揚火而使
無焚也古之至人以恬養心以心養恬燎為火息燎
亦火南華曰月固不勝火吾嘗自號曰澹生澹而生
而已矣朱子太復曰然則贊為經乎其于攬冥曰至
陰颺颺至陽赫赫兩者交接成和而萬物生焉是謂
晝冥宵明以冬爍膠以夏造冰其於卦生於復交於
姤合於咸旋於二濟反於屯蒙故曰復其見天地之
心乎山經曰廣成子治屯蒙二卦黃帝之師也虞瞿

予怡然笑曰公等亡易言道曝之子就日而得景日
已化矣而猶執為有此則罔西之所說也道之中有
極極之中有天地天地之中有人人之中有神疇片
之疇合之疇尸之疇運之傳有流焉流有停焉吾嘗
演苻矣苻之言曰食其時百骸理動其幾萬化安人
知其神而神不知不神所以神也故曰靜無靜當其
無有室之用動無動雖有榮觀燕處超然若此神合
自然為天地根故曰冥有照循有樞吾無與為尸強
歸之道夫道導也導引也冲也陰觴則不冲陽觴則

不冲有去其觭又不冲故有珍而不引吾師乎吾道
乎有物渾成綿綿若存用之不勤觀天之道執天之
行盡矣昔者太乙藏此符於九輪之天廣成受之空
同黃帝受之首山玄女受之北極老人受之南紀渾
沌受之中州重黎受之合天地大撓受之周甲子王
公受之若木之首戴任受之崑崙之丘吾受之天目
朱子受之我意斯為符道之言乎於是衆客喟息李
子避席稽首再拜而受之曰善哉志此會也辯而微
有漸卦有漸門有九丹有十地由余張之言也性由

長平之言也故由伯繩其專氣也伏矣由公衡其
馬止乎由之初得用師焉由二子之言寥寥乎天矣
天真道道真經朱子替經猶航也及其登假送者涉
涯而反乎雖然苻與吾不受睹子矣昔者之夜吾夢
吾祖被髮倚牛来函關之野呼曰吾家當再興幾二
千歲有跡孫出於海南武夷之壑是若公乎吾使紹
冠脩而赭顏者授子苻歸而上之此吾家藏史氏之
世寶也今睹子之貌叶夢吾盖受吾祖於是朱子曰
然是苻也非虞子之得私乎吾請記之副於爾家五

千言之緯

五客譚生文

有引

國子先生李元潤年躋始壽其友客鄭明選費日新
湯曰躋吳觀韶偕予長春五人進卮為壽徵文以致
詞鄭詞客也費為酒人湯吳為文學予則仕矣比于
予虛寓言之故矯稱詭難設為談生其指出於周史
漢卽和光大隱而未歸於頌要亦擬人其倫乃為志
焉二文學其戚暱子行也言循所覈以其口為實
吳有二洛誦先生相過而談生一曰嘻大塊云云生

滅糾紛歟乎疾風之雲靡散無垠觀化鼠肝歎逝駒
陰曹是須臾灌灌長勤吾與爾咕嚕稱先生蒿目而
助形馳行而逐聲馬既佚策不停故綿綿不勤至貴
并名美脩焉蛇蛻而龍乘邀三山之羨門長嬉騃久
視於太清一瞿瞿顧曰不然道德所統禮義所軌天
地所苞萬彙所紀建之維辟右之維士赫赫常功載
維時起生得為雋適遘寧宇曷不騁足秉權顯理人
誰不朽德功惟美稿而志虛何取生羽二先生者口
闕不決出而遇舖糟主人偕吹簫子卿方貿貿蒙蒙

倚醉高睨三步一咲五步一謳望見二先生而若留
二先生前曰彼咻咻者可言乎相即為言談生主人
嚙然仰而咲俯而指曰吾吾今日之徒矣日既晡矣
酒既酤矣相無虞矣盡百壺矣醉而號呶矣目白耳
熱餒餒驕矣汙沕乎高之天下之丘矣呼矣呼矣將
求壚矣吾不知謀矣於是子卿魄然擊手倚聲而歌
歌曰燦以忽夕復旦營生人熾若炭憊以貧貴多憚
行天造體無患生之期愉為彥白日高歌咲者半河
清不俟吾誰顧四人相視而嘆莫降於心因是相與

造決于戴冠倚人之廬倚人曰非乎然與夫春北冥
鴻夏南鷗鴈時殊也鷗鷯高騫無不飛河中矢棗海
南荔支地殊也松柏正青無不宜方士觴人內外一
隅道殊也真人周皇釣天倪而龍蛇生乎如嬰乎其
迷陽乎如風乎飄無旁乎忽春芳乎順百昌長乎忽
擎而藏乎萬物屯屯廓寥泝乎天乎被倡以時行乎
若此道德為軸仁義為衡伏雌蓬累駕飛頡頏以有
為枝以無為根以顯為隱以陸為沈軒冕為累榮聲
為菌范蠡浮於鵩夷方朔譖於金門少兵倚厨而酣

嘯沐園拊樹以呻咿皆命達生或列仙靈何必占莽
窟卧靈臺白雪黃庭嚙吐制形龜息而禽經此抑而
彼伸乎於是二洛誦進而言曰然然則吾臯比大夫
哉如日煥如淵容如止嶽如融風似隱似見一雌一
雄其處也雙居轂食庶舉牛後廉絕擔粟之壑義薄
千乘之封將賓歌缺公姓尸饗其出也不希廡不醜
窮謝蚪紛之簿領傲落拓於瞽宗傳槁下之高足行
泗濱之緒風其少也酒徒高陽詞客鄴中豪嘯鼠賤
屠龍志培風於一舉未回節乎三公其中也俠心義

融謦口傳宗駕勸有司籍領章縫得弗喜失弗恫侘
十五率儻佃而駕窮嘯歌長酣溟滓兮橫塘東被美
蓉之初衣樂衡茅之屢空其晚也高弁若宮脩紳如
幢雞肋寄教鳥行暢風畢手板而賦詩陶一醉以自
誦朝游馬於壁池夕臨燕乎清江託巖廊乎枕漱溷
趨忝於鴻濛朝之臣野之翁道風德容髮鬢顏童若
大夫之生何如數公於是倚人作曰吾識之矣其為
通隱其為善生若是者蛻乎世采乎真入乎非人予
往而問生何過伯陽之門哉於是旦日餉糟主人具

酒吹簫子卿為詩洛誦先生率諸後者擊鐸比而和之往壽大夫傳衛生之經焉

朱太復文集卷之三十一

五湖朱長春太復著

隱

叩隱

朱子令海上三年。溥鹵所滋。颶霧所播。元禿而鵠體
隋。殆僵累而於床息五月矣。因北風而思歸。納璽且
行。北海王子過而以隱進曰。弟子適從海來。見海有
異。魚非鯢。非鯨。非溟之族也。首有角。鬣下有翼。以為
龍焉。復似鳥。天動散雲而集。奮而昂往。將御洋風以

升陵波而需須海怒霖淫濤漂作惡身困不起沈沈
無所薄恐死而不為口中餘於是掉頭鼓翼遽而逃
於沙藏於五湖彼旦夕之死則免矣亡慮夫水小不
容鱗尾不展抑於鯨魚提網之童子將殲刃而欺之
海之人號為癡魚何如朱子嗒然不應有問稚几而
笑曰嘻仰視子亦見夫冥中促飛噉噉迴翔若畏不
能逝者此亦何鳥也曰鴻也其失侶耶曰孽創也夫
鳥之創也以飛虎射於出山鹿禽於兔隄馬倒於服
馬牛死於具輶魚烹於吞餌彼既已不區而幾於於

又將游焉以其尊為招而摩天中乎則田間之
扣虛弓侯之矣為鴻計不如邀於深山叢林夫郊廟
之饗居以大屋食以導米牢官齋戒朝服而拜之滌
器而進之一下不言棄而放之野况其夜鳴焦焦者
乎他日穿而耜諸原其力不如常牛傭人下其食飢
而過主厨見飯欲嚙叱之曰畜彼其習也有貪矣不
自知也已叱而悔之靡集矣不如早辭於宰夫嚴雪
降原陸盡沒野田之雉秋秋啄雪三尺而得羞口瘡
苦凍終日不飽耕中之雞陽陽而驅之少頃客至公

家執雞。霍霍磨刀將割。雀決於籠間鳴而送之。安知
飽之樂不如飢乎。死亦大矣。蜂蟬之命終久其肝而
死於兩猶曰夫也。故雞哭蜂蟬。馬哭雞。人哭馬。木哭
人。山哭木。王子曰不然。泣之科斗澤之土。龜伊之鮒。
漢之槎頭。其生蠕蠕。延延無用也。龍門之鯢。望波退
而泣。志在躍矣。吾以此魚為才。蟲豸自不需乎。委天
用乎。故癡之生者。天地之質貨也。才者。天地之匣藏
也。匣難盜。質將還。自有角有翼而稿於泥。天無為生
矣。萬物無不謝也。孔雀之尾為翬而列於朝。不俞於

禿落而墮屨間乎。身斃而毛貴長。朱子犁然殆沒已。
復囑曰。斃寧易。昔者孔子木於夾谷。按劍而冒齊恥。
其畏匡也。子路援戈欲出。夫子止之。念匡未足以死
也。故退而著春秋。臨川而歎逝。獲麟而涕。意有重生
者在。莊周觀濠而羨魚樂。魚樂而遊。雖樂安得不游。
況其見死乎。屢之婦不聚。覺木之夫不餘食。知免在
前而不避。彼欲有所成。而和未合。行鼓未起。雖有勇
人見聞。不張拳無成也。良馬駕鼓車則啼。駘騁捕鼠
則悲。非愛其力。力欲有用。不欲以非用死。上之人本

在山中之人為儼。下之人為溝壑。雖於山均死也。而下無成。垂氏之苗將過而惜之。璞之為物至貴也。仆而碎諸地。人皆惜之。拙工細切而彫為器。人不知惜。切之細。何別於碎。亦不知類矣。故卞氏之寶。千世未必無儼也。而國寶無再。玉多有不中其用者。不中用而試之。昆吾故人之過耶。玉亦過矣。今夫滇之空青。中土得之。千金積而藏之。以誠子孫。室之人患目者。白淚若泉。赤翳若燒。勢張甚。滯不敢斲。非寶之愛也。一旦一破而汁乾。恐後有眚明。無所復用。空青焉。生之

重也。詎一空青哉。此魚知之矣。龍不上天。亦濶於淵。
較不薦豆。亦克於口。生有所尊。志有所成。海東歸鴈。
不可復西。夫魚者朝而泳。暮而潛。從流而往來。身雖
大。其所吸不過一口。如是江湖之濡足。與海之大。不
知幾千萬里。利其濡者。寧獨一魚。留無重。去無輕。死
無為名。且夫處大不率。何慮歟。鰕靜居不食。何畏論
竿。八月秋水至。海波移山。濤如霹靂。雲晦風湧。水噴
上流。戴山之勢。結樓之屋。隨而覆於渚。水退。乾死。是
魚方乘安流。揚腮暴鬣。倏忽萬里。遂逝而教也。雖有

落鵠之矢。射龍之弓。不得而賦之。董子何為老魚方
笑子為癡人。而子安得笑夫癡魚。

議

救荒議

今河山東西北緣邊南交伊雒。三歲四歲大旱。民
草食盡。盜掠無得。則食土食石。食人。斃骨。骸而交鳴。
何種往歲。

天子內裁帑白金。外轉諸倉粟。輓運所在。率數十萬。
又有司調補便宜。勸貸濟賑。須臾耳。不足活。今吳又

大水千里漂數十郡縣財一季而死者量年澤其
急稱是長吏皇皇莫知所執臣吳人也請言吳事
國家賦稅吳當天下十分之四吳重於天下吳民急
於天下吳土迫於天下而吳民又稠於天下皆家偷
生無積聚而多貧緣其天性自古以來人多輕心喜
遊子弟矣而今時號吳沃區則俗益事競馳奢輕
爲觀相臨又多仰機利手業巧作末食洋賄隨手畧
盡歲終豐則穀賤人爭糶取奇息嫁娶治宮垣多爲
靡濫及巫祠不急而家無半年之茹路何行禽不絕

歲荒則束手奉腹以餓不能相振而富家巨賈方倚
徵物乘時積著資緣為利其細民又卑居以習為恆
無賴多反時時逋責更為橫肆作奸害傾富民故富
民相結誓完物自顧莫有通融往嘉靖時二十三年
大旱四十年大水災浮於今什一而民間疾死浮於
往十半其力救俗壞難救明甚夫輕心之民可娛樂
難與攻苦可知矣無恒業無遊閒飄飄易棄里室如
疾風以朝夕飢餓迫身隣死之急亡在道路一號則
數百十連臂踴地為羣目眦枕屍相憫無何慮則不

二五先七年八季荒時水下三尺稻半淹。白徒
通道白晝叫呼。擁富人之門閭。撤倉囤而散取粟。立
盡。提刀偵於交衢。為校擄。推埋不敢問。既聞矣。今災
又甚也。騰糴倍半。死人益多。出賣印乞愈夥。至親不
相急。上不之虞。盜賊恐不可言。高議者動談無奇。必
曰散利捕盜故事耳。事何用奇乎。視經理如何。臣以
湖州一郡。臣居市。曾見七年縣官請糴倉穀。集飢
戶散賑矣。又曾見長老言嘉靖四十年郡中煮粥食
流冗矣。吳劇郡也。徵繁求竭。上歲糴糴狼戾。官司之

夫才漢二集 卷之三十一
青常有通滯庫無見錢又水國十年常有二三荒常
不得蠲則公私權宜那借抵補無時一歲之賦常負
以萬計一縣之負常累以五六年罰銀金矢之贖又
可知近奉

例今守令歲積罪轂若干無幾耳大約以四年計儲
入縣不滿萬則荒歲至他無分文堪動悉仰於倉而
飢民縣不下數萬丁中每計不得口一拊不足入一
日之活耳吳居人生齒日蕃土不靡占田之家財十
三餘子贅戶傭丁游口手食就技浮蕩其七於中若

戶之版籍止一之餘多漏口然多吾人也此輩無
二日為生年暮朝不謀死不若則洶洶草草父子之
不顧皇清其他康散為合不憾弱則倒死強則擁眾
作不軌殺人無忌念惟性命緩死耳此輩不可禁奈
何前縣官一切計里按圖而核之今此輩以鄙陋無
行之素觸法不均之望進無告退不再訕眾怨吸
吸我死不擇音無慮吾且為人父母食子不若此等
輩者核丁之令一出鄉長里正憑權為豁整戶驢頭
會送出者雖給必與又巧法代冒影射一人常兼數

○官粟有限。半入奸詭之家。而樸愚貧下。實鳩聚之。
待錢求入。又從多門科派。縣司紙冊里役供費胥吏。
橫攤酒食例錢。至米鹽無計。官府期日集衆開倉。委
以窮境百里之外。扶携蟻附而至。恐後。蓋有候次十
二不業者。餓殍既盡。市店質食。踊貴。又無訪。然則口
腹數斗。雜以厥長奸和浮耗。算當所費。失幾餘矣。又
有則老稚。尪餒。枵腹之人。既已棄家遠絕。盡手無食。
不任走乞。擠擁則一倒。連厥。下。貽席而死。市耳。
名故以如彼。有名又以如此。庶竭公饒。

往見士大夫議者皆以弗若者粥。又傳言故事不足
活。速斃轉多。此何故之。以按當時郡城設立粥場約
四五所。草廠不過千間。容不過數萬人。錯鑊不過千
隻。薪不過萬石。水甕汲甕。淘器不過千具。炊爨行飯
役事之人不過千夫。而遠近駱驛奔赴日以千萬。轉
增無量。俱或二三四日絕粒。匍匐數十里。空胃蒿民
貿貿張口。以來就哺。謂即吸咽活耳。而食少下衆。孟
分不徧。勢安能以宿餒疾矣之勤。復旦夕屋口。忍須
臾之命者。又且先後不接。饑散參差。強靡不齊。較半

撲落官法不足以董之。呼啼橫地而饑已乾矣。如是
再比則胃絕肺枯而死耳。猶且糜糲乾沒升斗衝和
糠砂多攪寒水。器釜不滌蒸熱生氣。此良人所不食
而飢民傷中之後頓食必洩洩必死。無異烏頭之充
腹。幾不仆於所居又席地草也。百羣一間晝夜連如
雞棲私汙糞積。一遭雨濕土蒸。氣微蘊溫為病連染
不救。醫法曰荒歲多疫如之何以生道而內之死者
即使無賜散走他方趁熟乞半薪度口冀延喘生還
不者等死耳。尤愈束手。逐羣聚而坐自盡也。吳受水

少千餘里。災動連幾郡。一聞某處施賑。輒挈抱免
走而翔至。不可識認。而不可禁內者。吾市井無籍壯
民。恃頑毀顏。混衆以梟奪老弱之食。外者又以艱難
不敷之粟。餉四方。仰餽客。而法安得不窮。民安得不
死。此豈法之罪哉。法既不能活人。民見上不可恃於
是。強梁惡少。甘心不還。墮為盜。而日日捕。及暴殺
重罪。生人。迫以威莫禁盜。豈非民被胡不哀死。應
無之而偷萬一也。為今計。必求善法。善法必公。公必
均。均必多。處而分。施多處分。施則自設。積始矣。今公

租不盡蠲官廩不節羨息不通無山場池海冶鑄之
利弛禁縱民財出無孔矣孔不能為計富人大室又
都邑之命安能一一倚辦皆破竊料一縣為例民口
食穀一升口一萬日穀一百石一月三十日穀三千
石約食之八月而及熟三八二百四十日凡穀二萬
四千石自萬以倍準是度大縣不過四萬口費穀十
萬石此當先定計縣以徐調補通濟今悉括縣倉存
留積糴與庫貯賤贖與請院道司府調助可濟二萬
縣大則多官豪世祿鉅卿先生都有維平同感

官親自敬致問救疾苦乞以首義為風各自思之
為弟出所羨不限助

天子恆其鄉必多應者然後發七條貸通權有無眾
格卹卽生徒有力一本富素封大戶二印民大畧
三太胥商四浮屠黃冠五殊死以下罪人六民俊
上或又藉借以部開事例畧減聽被災重郡縣
行一年倘必應大戶六條以其在數名占核之中家
以上分為三限以若干為云為最優序格獨重者聽

說文解字卷之三
說文解字卷之三
說者如關中鴻臚寺畫忠義事報正洪臣特疏以聞
爵以大夫以下有司禮如真或更復其身家能幾矣
無買爵之恥有復差之利亦必應若宿商大賈寄客
吾地或數十百輩為族居息帶起家至巨萬萬皆吾
民利也平常歲歲一孫數世食於土而一日損餘息
遂治此膏脂之民夫又何窮偕人道者不耕食不織
衣以其淫巫佛之益四民而耗其財自肥有至莊田
連邑甲第坐而居息賸富人封君之榮倍地方豪右
內積半傾官布此屬又多挾貨作奸無狀此損之俗

且曰。一。有。以。調。管。介。羊。名。以。之。服。其。心。也。
其。私。非。與。教。主。既。沒。其。地。開。佃。事。家。蒙。冒。道。此。
自。償。佃。值。以。濟。者。聽。亦。吾。利。也。諱。有。罪。殊。死。以。下。所。
罪。以。上。如。金。選。入。教。有。差。為。減。免。限。等。新。犯。該。者。懸。
其。罪。如。例。若。死。囚。除。強。盜。奸。殺。故。教。謀。人。不。得。其。或。
主。使。偶。關。情。疑。別。條。能。入。教。千。石。活。人。四。百。其。功。德。
即。與。殺。一。人。畧。當。抵。附。減。可。也。吳。多。少。年。統。棹。千。石。
多。恥。平。巾。黃。衣。許。納。白。金。五。十。兩。借。以。寄。鄉。學。半。上。
年。然。而。以。其。費。例。補。大。學。一。縣。可。得。百。十。人。如。已。汰。

故弟子與太學生犯革者定以若干申復其衣冠
此亦勸士之善也。法無大害如是通七條可得幾十
萬。又為三分先以其一入本色。其二內價乃以分商
舶航販江湖之家。以樸任富民主事住來就。既通
約計以陸續驛至。如所在略增平糶寬民。斗買以下
并以漸次收息。其餘接賑如是則穀無憂乏矣。於是
少大料下戶飢民。又分為三。必責以每里里正量次
管甲。勿拘籍里。分廣狹屬於區。或二三
人。以富者德有餘為長董稽之上於縣。寬官易出

舍巡原問戶而覆之。自有田土二十畝以下沒無。及小有衣資者為一等。空丁年十六以上四十五以下無疾未經餒頓者為一等。老弱孤寡疾癘久餓菜色為一等。因以視閭其高卑。半成漂白之鄉。隨圖屬其田土。亦三則綴之以主名。遺落或故隱。杞人得自名首罪。其里既定為冊。而後法可施也。先令以田畵段落界在殷戶富賤及官豪者為之。約論減價十三券。賣官給印。無許後以賤訟。訟不理。又約論諸豪長有能出錢責貸者。或質子女田土。官除其左。標勿令

多反如故。又令諭境內諸商。典質民間衣物器具。凡零星廢舊。估三兩以下。皆窮戶。特為寬。每值一質。七占。近其隔八月以外。聽沒。竟不許訟。如此富民大產。得便利。無狼顧。虧反害。傾之處。必爭相通。民稍稍有田資以上。皆家得糊其口。以活矣。乃今歲中等空丁。堪任力者。各就近治築所沒圩塘。以其鄉多田之家。立長。主地職。塘長督之。先計其圩工畝。率若干米。幾升。佃戶給從主。數畝以下。無力給從。官主田雇役。耆就近以空者。調無外募。度畢塘工。可得一月。畢則又

市種粟。穀稅之事起矣。而照市計工若干。種子費
在值若干。但勸其主貸出冬收之無力官助其半。雇
俟將通調如舊。免庸錢食其身。夫料民之數。雖均曰
貧人。而大要其三。猶有田資也。又其三有庸力也。前
法一行。十去其六矣。則省賦錢而十去其五矣。然後
無雇者附從下等。乃料設粥場。養此九大鎮市及中
村落小都。酌其人烟。澆簡為額。幾三里五里立為一
團。十甲推擇上戶多力為正。又次上一人副。管其分
空甲以關領。走迤報復。往來十甲無雜長。則借近地

空餘者調主團校男婦名口若干類其成數口計較
某團若干口一日穀若干石柴薪若干觔皆註冊人
書其甲名年貌又置一牌如冊書官印給之執以赴
食為號赴近者聽還遠不任走則處之場必以寺宇
無者為草棚必有閭扇蔽風雨人共一薦為眠坐早
盥二粥按時以吹號集集以一甲為一屯計口受給
無使越奪令諸甲長自轄其甲器具執役之人即假
之欲折乾者每三日一令月一開領五日一報冊後
食丁無故有病者則以病之日報官又為度數團買

一醫視病行藥不起者醫具報同給以棺不報死
與當日死及首告俱以食欲不潔罪其管罰棺埋之
一丁賠二丁之穀以賑諸場在鎮市以官監之村落
則數團一官來往巡其間督責惰勤稽察掇訛時以
報并聽其小事勿得索共辦必以職官或學博士若
所衛千百夫長約以其功績上為考厲之其於城則
設廣場必多所以施市民與流饑乞予不得還者及
鄉之高熟與山有采者可弗議則以其大戶倍出調
賑而下丁無食者列名而集入之於中場必據寺觀

以格木間其殿堂而處之。又橫為數房。以便散糜。以
市民富材長筦之。中家二之。佐幕官監之。巡役胥阜
以捕惡少。肅之。他如鄉鎮事。而郡守令則自以間督
閱。清理其間。城市會地。民處衆而雜。慎勿使譁。夫故
不以籍戶。得自占。餽所散。處人無冗。繇甲食其凡比
屋無不給。公也。富貧均劑。強弱得其處。法周約。嚴令
明。即千里之外。無所蒙。昏明也。人反其純。父母妻子
相聚。又以其力。得家治其事。助自供。邑戶無散土。不
荒野。無強仁也。人知倚上足治。袖手坐食。反側無異。

志又名以里甲自來其戶早暮不得離場奸作無所
為盜賊自息嚴如此法一吏行之一月之後官府拱
手而治然後議力量微以緩其財簡停小訟以息其
擾除禁止苛以紓其熱準條省共以補其費罷酒酤
以廣其食通昏娶以收其餘放傭賣以轉其費勸興
作以宣其積權如此類從容調助有餘閑順也行一
物而五善澤當此之俗無異太平故曰法何用毒視
經理何如夫官於民父母民於兄弟獨使父母真慈
應無心拮据任事於上為萬姓劑調析早夕之命本

分大漢書卷之三
言卷之三
孰無心哉未有不太息自奮願傾家苦力以應者而
上又親假便宜

特勅被災地方諸科稅徵會文具且無督取大較無
繩以小文又設異等賞吏格善法治其地一年和二
年奉起還吏亦未有不流涕自奮竭犬馬稱效者此
可為安平無事胡舍此而筑筑也

西北水田議

當今淮睢以北至 東師數千里地為墾土田惟黍
麥徧野茨牧蕭條居民斤斤餘食自治而 國家正

賦大半都仰給東南。漕渠艱危。吳楚騷動。民病。國
亦病。異時中原故沃膏野也。何以至此。嘗讀河渠書。
攬觀二鄭渠。利矣。顧都役在關中。長安鑿掘平衍。
斥莽一朝。既沃。使萬世而中土故為先王井區也。
有徑隧溝洫。通澗水。滌周秦之間。未嘗漕揚荊而賦
足。以此兩者畧。倣斟酌興事。順民道。利公私。交便之。
舉北土萬世之澤也。而近見太僕徐貞明首議。朝
廷特假重官。出主水土事。先行輔郡。不一歲。以不便
罷。是何難。如地脉有堅疏也。土膏有枯澤也。水源有

深短也。流區有遠近也。種宜有多寡。俗食有便不也。今以熟壤不埴之土。鑿為岬則善。崩則為田則下漏。雖引渠已。通渠之力有數哉。弛泥外泄。焦區內滲。不數年而必塞矣。此非可以東南方也。東南水國也。水衆而清。不間數百里。常往往有山泉水出焉。多滙為湖池溪澗。環田居中。周為水所涵也。故不崩不涸。禹貢荆揚二土塗泥。周官二土。■數宜稻。所由來矣。此若天所偏焉。北經異是。吳川泉藪浸。皆有名不數。從所出。又皆直滂無支。河入港。四派雜會。其流隘也。齊

代燕趙多坦地一望莽莽延數百十里有山其源非
長且衆也今道經北河堤開相望河上大臣嚴禁開
洩分厯水不見淤盈經月不雨往往塞淺不可掩而
穿引數百里一流散而分注洩開足乎不數日而乾
流之道也何也源短不給也支遠不接也獨不見漢
武時渠田廢井渠頽此與徐伯所表皆北地等耳何
以利害懸乎哉夫自職方氏辨九州地宜雍冀二州
宜黍稷幽州財可三種此其不與楊荆同強蓋自古
以分下田多水偏陰宜稻上田多陽偏陽不宜稻地

使然矣。故朔幽涼代之民。粟麥則飽。稻則飢。小東青
兗之間。穡種稻食。然多飽。粟麥蓋自古五方各隨宜
食。五種並竟。春秋七雄時。隣國非有天災流行不通
乞糴而各收土入。自以富給。軍興往往不訕。至於今
地氣自南。吳楚稻米盈天下。貴為首食矣。又國家
都燕。而九邊御林宿軍千百萬。與官僚官卒奉用盡
獨取稻。輦數民間方客之會。頗侈稱是。遂輓東南漕
米歲萬艘。又私帶異溢。不足騰糴常踊。卒有凶祲貴
於珠玉。不可渴物用。盛則急。急則窮。自然之勢也。夫

事通有權利與有富民俗不可役衆造見不可集事
今宛平縣出稻米米肥白以長率粒一比江南大米
之二而味甘滑以供 尚食又漁陽真定他邑皆有
稻新開涿州水田多有越入佃種歲收中四五鍾坐
致富人此亦北方地氣偏焉安在比格哉而齊魯趙
平土也時時亦出稻米澁而澆問其民爲旱稻得水
少無糞澆下種不耘不耘任其天生如草莠故收薄
於麥率十之六此以東南水浸火耕之法行其泉社
較其種藝可詠必競今之半不止矣所患第無多水

耳夫漳濟沂汶合引會漕每春猶常苦舟運一淺而漕溢則害鉅不可擅議宜於濱河壩外築堤如塘壩東緣流區分茭土則為水田外包以圩圩外周溝門而畜之納而出之春夏漕種不相妨溝足以通度水大小盛衰之力而止他腹衆郡縣每有泉河既已不用漕自可儘力為渠田各就近辟治如前亦隧為溝以澆稍更速水則數十畝中開一堰池接而積焉積而今馬內辟凍雨山洪之暴漲外寬遠川引灌之驟竭太速則止無贖土地以不寬大約土肉也水益

也。五充肉潤。水滋土膩。故近水之土堅粘。絕水之土
澤腐。開其近不開其絕。土乃不裂。田乃可藝。諸有以
理易類者。止為縹田種如故。總計福田分。必粟麥分
多。水用既不乏。而民口今亦無一不便之苦矣。於
是各就其鄉。宿種稻。善田。粟麥。故之。田器。教其耕耘。
養苗。使水趁澤。下肥之方。不足乃調。近縣不省畧間。
募南麓邑置數人為師。無多。屬使客主爭利。仍倣趙
過代田法。歲代其焉。東田進水種稻。西田閉水種麥。
明歲更之以息土。淹蓋自古田有一易再易而北土

故塲新開未舊法為宜也如是施既定民便習久歲
不減收民不苦食水不涸竭田不焦稿閭井不擾官
府不費無歲月近報而有百世之功至於農熟土沃
稻盛穀盈優優穰穰既充而後漸議起賦畧損東南
平之西北漕減而民安豈區區二鄭小小渠利足比
哉此乃必一切之法破高原之地壞久飲之食強米
冒之萬幸主弁之水灌鉅陸之涸流萬億之農阜土
者之主刻月任之耗駟不喻之民長此不已決必生
害無害而豈以性命博一彈之清

我。

宋太復文集卷之三十一